

# BOŠNJAČKI ISLAMSKI CENTAR HAMILTON

202 Barton Street, Stoney Creek, Ontario L8E 2K2 Tel-Fax (905)662-3678

**BILTEN**

OKTOBAR 2011-ZUL-HIDŽDŽE 1432 H.G.

## Riječ urednika

**Biti vakif je nešto posebno, a pogotovo za prvu bošnjačku džamiju u Stoney Creek**

Veliki je značaj džamije u životu Bošnjaka, posebno onih u dijaspori. Zato i nije čudo što su neprijatelji tako bestijalno vršili genocid, urbicid i memoricid nad Bošnjacima. Stoga budimo ponosni što gradimo bošnjačku džamiju na mjestu gdje nikada nije bilo džamije u kojoj će se očuvati Allahov dž.š. din, Allahovo dž.š. svjetlo na ovim kanadskim prostorima.

Izgradnja džamije kao duhovnog prostora, kao svetosti, kao blagoslovljenog mjesta na Dunjaluku od svakog od nas traži i poseban odnos prema

njoj. Kada uđemo u džamijski prostor i kada pređemo džamijski prag, trebamo nastojati da u njoj sebe savladamo, da u njoj sebe odgojimo, da u njoj pronađemo svoj bitak.

Izgradnja džamije je bošnjački zajednički trud za dobro ne samo Bošnjaka i njihove djece, ne samo kanadskih muslimana na ovim prostorima, već za dobro svih ljudi dobre volje koji radi za svjetliju i ljepšu budućnost čovjeka i civilizacije uopšte. Džamija u

bošnjačkoj dijaspori ima višestruku upotrebu. Ona je za članove islamske zajednice jedan slobodni prostor gdje se lakše diše, slobodnije govori, gdje se doživljava svoja vjera, domovina, rodni kraj, nacija, kultura, tradicija. Zbog toga ljudi u džamiji provode svoje slobodno vrijeme. Zato je razumno i razložno poređenje džamije sa

džennetskim baščama na ovome svijetu. To nas, članove Bošnjačkog islamskog centra Hamilton, podstiče na gradnju džamije. Članovi naše



zajednice žele se nadmetati u ovom hairli poslu, nastojeći uložiti što više svoga truda i imanja kako bi gradnjom džamije omogućili širenje Islama i ispovijedanje Allahove vjere.

Znamo da su džamije mjesta gdje se Allah dž.š. moli, škole gdje se pismenost stiče i mjesta za svako dogovaranje. Stoga želimo da naša džamija zbog svoje značajne uloge u svakodnevnom životu vjernika bude žile kućavica ovdašnjih Bošnjaka u kojoj ćemo sticati

Proradila web stranica  
naše zajednice

Web stranica naše zajednice  
pod linkom:

[www.bichamilton.com](http://www.bichamilton.com)

Takođe rad naše zajednice se  
od sada može pratiti i putem  
facebook

<http://www.facebook.com/pages/BIHamilton/305013582848745>

i twitter:

<http://twitter.com/#!/HamiltonBIC>

**Kurban Bajram u  
nedjelju 06. Novembra  
2011 godine.**

Tradicionalno bajramsko  
sijelo će se održati u subotu  
12. novembra 2011. godine  
sa početkom u 7:00 u  
Armenian Community  
Centre

**Bilten izdaje:** IO BIC Hamilton

**Adresa:** 202 Barton St., Stoney  
Creek **Pišite na adresu:**

BIC Hamilton P.O.Box 56073,  
Stoney Creek, On L8G 5C9

Izlazi: po potrebi

**Glavni i odgovorni urednik:**

Prof. Emir Ramić

**Uređivački kolegij:** Svi članovi  
IO BIC HAMILTON

znanje iz plemenite vjere Islama,

okupljati radi služenja Bogu, svakodnevnog dogovaranja i uzajamne pomoći, gdje ćemo se napajati novom snagom za poslove koji su od općeg interesa i značaja, gdje ćemo čuvati pa i jačati našu naciju, naš jezik, kulturu, tradiciju. Bošnjaci Hamiltona i njegove okoline mogu biti sretni što će biti svjedoci postojanja veleljepne džamije, sretni što mogu vidjeti kako se

žrtvuje imatek na Allahovom putu. Želimo da putniku namjerniku zastane dah pred ljepotom i gradioznošću naše džamije.

Zato mislimo da je ovo najbolji podsticaj da u granicama svojih mogućnosti budete uz one koji grade džamiju. Samo tako ćete moći biti u džennetskom društvu brojnih graditelja džamije. Gradnjom džamije pravimo sebi

mjesto u džennetu. Biti u ulozi graditelja džamije ili onoga koji bar djelimično potpomaže njeno podizanje veličanstveno je djelo. Ne treba biti mnogo bogat da bi dobio stepen onoga ko je sagradio džamiju. Dovoljno je da prilikom izrgadnje žrtvujemo onoliko koliko stvarno možemo. Ne zaboravimo da džamiju gradimo za onaj svijet (ahiret) i našu vječnu kuću u njemu. **Emir Ramić**

### Bajramska čestitka odbora BIC Hamilton

U uslovima ekonomske, moralne i ljudske krize koje uništavaju ljudski rod i sve više prijete solidarnosti među članovima ljudske zajednice, u uslovima kada se sa više strana prijete bošnjačkom identitetu, sreća i spas je u duši, koja zna da su svi ljudi stvoreni od zemlje, te da im je Stvoritelj svakom ponaosob udahnuo od svoga duha, pa su tako svi braća po ocu Ademu i po majci Havi. To je najznačajnija poruka Hadž i Kurban-bajrama u trenutku kad je čovječanstvo na Arefatu i kad su muslimani na mjestu gdje su Ibrahim, a.s., i njegov sin Ismail položili vječni zavjet Uzvišenom Bogu na pokornost, kao zahvalnost na darovima Allahovim.

Neka vam današnji mubarek-dan vrati vjeru, nadu i međuljudsko povjerenje; neka među vama nestane straha, zlobe i zavisti; neka vam zajedništvo povrati samopouzdanje; neka

svako radi svoj posao savjesno i odgovorno; shvatimo da je tajna uspjeha na ovome svijetu iskrena vjera i plemenito djelo.

Svima članovima Bošnjačkog islamskog centra Hamilton želimo sretan Bajram, moleći dragog Allaha (dž.š.) za vaše zdravlje i uspjeh u životu i radu.

**Odbori BIC Hamilton**

### BAJRAMSKA ČESTITKA ISMAIL EF. FETIĆA

Draga braćo i sestre u Islamu! U povodu nastupajućih bajramskih blagdana šaljem Vam iskrene selame i bajramske čestitke da ovaj mubarek blagdan provedete na najljepši način, u duhu islamskih propisa i naše lijepe tradicije, sa članovima svoje familije, prijatelja i rodbine. Dani Hadži bajrama ili Kurban bajrama su dani žrtvovanja i odricanja; pa zbog naše i Vaše spremnosti na žrtvu i odricanje imamo puno pravo da se radujemo i nadamo da će nam Allah dž.š. pomoći, smilovati se i nagraditi nas, ako Bog da. Bajram je dan kada se svi

radujemo i veselimo, kada zajednički klanjamo bajram namaz, obilazimo familiju, prijatelje i rodbinu, i kada se radost u tim danima osjeća na našim licima i u našim dušama. Podsjećam Vas da je ovogodišnji Kurban Bajram u nedjelju 06. Novembra 2011 godine. Obavještavam Vas, da će muslimani Hamiltona, i ove godine klanjati bajram u Armenijskom kulturnom centru na 191 Barton St. (preko puta naše džamije).

**Bajram namaz je u 8:30 minuta, a rani sabah će se klanjati u 6:15 a.m. u našem mesdžidu.** BAJRAM ŠERIF MUBAREK OLSUN s molbom Allahu dž.š. da nas sačuva od smutljivaca i munafika, da nas spasi od onih koji siju laž i smutnju, da nas udalji od onih koji vrijeđaju, lažu, ogovaraju i prenose tude riječi, da nas zaštiti od onih koji mrze i preziru i, konačno, molimo Ga da nam da dobro i na ovome i na budućem svijetu! Amin!

**Bošnjački islamski centar Hamilton će primati uplate za klanje Kurbanu isključivo u organizaciji Rijasetu Islamske Zajednice BiH. Cijena Kurbanu za područje Kanade je \$230.00 Kurban se može uplatiti najkasnije do 2. novembra 2011 godine u našoj džamiji.**

## NOVOSTI IZ ZAJEDNICE

Klanje kurbana je dužnost muslimana. Od prvog čovjeka na zemlji Adema, a.s., i njegovih sinova spominje se žrtva-kurban, kako se i u Kur'anu navodi: "I ispričaj im vijest o dvojici Ademovih sinova, onako kako je bilo, kad su njih dvojica žrtvu prinijeli pa kad je od jednog bila primljena a od drugog nije." (El-Maida, 23.) Kod svih ibadeta neophodna je iskrena namjera da se djelo radi u ime Allaha i u cilju postizanja Njegovog zadovoljstva i nagrade, pa tako i klanje kurbana što se vidi iz citiranog ajeta. Jednima će biti primljen a jednima neće.

Drugi primjer za kurban je slučaj Ibrahima, a.s., i njegovog sina Ismaila, a.s.: "Gospodaru moj, daj mi porod čestit! - I Mi smo ga obradovali dječakom blage naravi. I kad on odraste toliko da mu počne u poslu pomagati, Ibrahim reče: O sinko moj, u snu sam vidio da treba da te zakoljem, pa šta ti misliš? O oče moj, -reče -onako kako ti se naređuje postupi; vidjet ćeš, ako Bog da, da ću sve izdržati. I njih dvojica poslušashe, i kad ga on čelom prema zemlji položi, Mi ga zovnusmo: o Ibrahimе, ti si se Objavi u snu odazvao; a Mi ovako nagrađujemo one koji dobra djela čine, - to je, zaista, bilo pravo iskušenje! I kurbanom velikim ga iskupismo." (Es-Saffat, 100-107.) Kroz historiju svaki narod je imao ovu obavezu žrtvovanja kurbana u ime Boga: "Svakoј vjerskoј zajednici propisali smo klanje kurbana da bi spominjali Allahovo ime prilikom klanja stoke koju im On daje." (El-Hadždž, 34.)

Muhammedu, s.a.v.s., i njegovom ummetu je također propisano klanje kurbana. Allah, dž.š., kaže: "Mi smo ti, uistinu, mnogo dobro dali, zato se Gospodaru svome moli i kurban kolji." (El-Kevser, 1-2.) Poslanik, s.a.v.s., je rekao: "Prvo što ćemo na bajram uraditi je da klanjamo bajram namaz, a zatim ćemo se vratiti kućama i poklati kurbane. Ko tako učini postupio je po našem sunnetu." (Bera' ibn Azib) Ibnu Omer prenosi: "Allahov Poslanik, s.a.v.s., je (svih) deset godina, koliko je proveo u Medini, klaо kurban." (Tirmizi, hasen).

I mi, koji smo jedna od generacija ummeta Muhammeda, s.a.v.s., dužni smo praktikovati ovaj propis naše vjere. To se odnosi na svakog imućnog muslimana, koji drži do svoje vjere. U današnjim prilikama to je svaki onaj ko je zaposlen i ima toliko sredstava u dane Kurban bajrama da obezbijedi kurban. Na dunjaluku se ostvaruju brojne blagodati: kuća, auto, imetak, titule, diplome itd. U cilju osiguranja tih dobara i zahvale Allahu, dž.š., na njima čini se žrtva i kolju kurbani. Zato je dužnost da domaćin ispred sebe i svoje porodice kolje kurban. Vrlo je zabrinjavajuće kada Poslanik, s.a.v.s., kaže: "Ko bude u mogućnosti zaklati kurban pa to ne učini, neka se ne približava našoj musalli (mjestu gdje se klanja bajram)."

**Bošnjački islamski centar Hamilton prosljeđuje obavijest za akciju Kurbana 2011 godine na području Sjeverne Amerike. Na ovom linkovima mozete naci dopis od Rijaseta Islamske Zajednice:Bošnjački islamski centar Hamilton će primati uplate isključivo za klanje Kurbana u organizaciji Rijaseta Islamske Zajednice BiH. Cijena Kurbana za područje Kanade je \$230.00 Kurban se može uplatiti najkasnije do 2. novembra 2011 godine u našoj džamiji.**

Podsjećamo da je kurbansko meso namijenjeno siromašnim muslimanima i za ishranu učenika islamskih prosvjetnih zavoda i socijalnih ustanova u Bosni i Hercegovini. Molimo Allaha Džellešanuhu da nam ukabuli i u sevab upiše sve naše ibadete.

## Bajram namaz

Bajram namaz će se klanjati u nedelju 06. Novembra 2011. godine sa početkom u 8:30 am u Armenian Community Centre na adresi 191 Barton St, Stoney Creek. Sabah namaz će se

klanjati u našoj džamiji sa početkom u 6:15 am

**Tradicionalno bajramsko, bošnjačko sijelo**

## Bajramsko sijelo

Tradicionalno bajramsko, bošnjačko sijelo će se održati u subotu 12. novembra 2011. godine sa početkom u 7:00 u Armenian Community Centre na adresi 191 Barton St, Stoney Creek. Uz

tradicionalnu bajramsku večeru zabavljati će vas najbolji naš sastav Žute Dunje iz Hamiltona. Svi ste pozvani.

### Redovne aktivnosti u našem džematu:

Vjeronauka i škola bosanskog jezika u našem centru svake subote i nedjelje od 11:30-13:45.

Druženje (halaka, pitanja i razgovor o islamu) svake druge subote između akšama i jacije.

Džamija je otvorena svakim danom za pet dnevnih namaza.

**Napomena:** Imamu se možete obratiti za slijedeće usluge:

akika

sunetluk dova

porodični mevlud ili tevhid

šeriatsko vjenčanje (važi kao i građansko,pošto Imam posjeduje dozvolu za obavljanje građanskog vjenčanja)

garantorska ovjera formulara za kanadski pasoš (**zakonski je uslov da Imam mora poznavati svakog podnosioca zahtjeva najmanje dvije**

**godine**),ovjeravanje kopija dokumenata uz predočenje originala.

**Bošnjaci u Dijaspori bez članstva u džematu su bez**

### opredjeljenja, a neopredjeljenje je stanje Beskonačne Opasnosti!

Biti član Islamske zajednice trebala bi biti obaveza svih muslimana. Plaćanjem članarine Islamskoj zajednici pokazujemo da smo muslimani, zbijamo svoje redove, dokazujemo svoje bratstvo i pomažemo sebi i drugima.

Svojim redovnim novčanim prilozima - članarinom, mi pomažemo razvoj vjerske misli i biramo sebi mjesto u društvu, te omogućujemo ostvarivanje slijedećih ciljeva Islamske zajednice:

Okupljanje Bošnjačkog naroda, u svrhu očuvanja svoje vjere, kulture, historije i tradicije Održavanje vjerskog poučavanja i vjerskih aktivnosti.

Izučavanjem islama i unaprijedjivanjem vjersko - kulturnog, obrazovnog života svojih članova.

Organiziranje izdavačke djelatnosti i ograničavanja raznih oblika svečanosti povodom islamskih mubarek dana: Ramazan, Bajram, Mubarek noći i drugi odabrani dani.

Osnivanje, sticanje, održavanje i zaštita imovine Islamske zajednice

Plaćanjem članarine stićemo pravo na olakšice za vjenčanja,tevhide, mevlude, dženez i slično, te pomažemo one koji su u nuždi. Članarina za godinu dana iznosi \$ 180

(dollara) za jednu porodicu, a \$ 120 (dollara) za porodicu koja je na Socijali, Welfare ili je slabog materijalnog stanja.

Članarinu možete uplatiti čekom i poslati na adresu:

**BIC of Hamilton  
P.O.BOX 56073  
Stoney Creek, On L8G 5C9**

ili lično doći u naš mesdžid-džamiju koja se nalazi na 202 Barton Street, Hamilton (Stoney Creek). Tada članarinu možete uplatiti i kešom (cash).

### POSTANITE REDOVAN ČLAN ISLAMSKE ZAJEDNICE!

**Apel - Pomozite izgradnju nove džamije - BIC Hamilton!**

Vaše donacije za izgradnju novog islamskog centra (džamije) u Hamiltonu možete uplatiti direktno u našem objektu, koji je otvoren svakim danom ili slanjem čeka sa naznakom: Vakuf-donacija za izgradnju novog islamskog centra (džamije).

**Na poštansku adresu:  
BIC of Hamilton  
P.O.Box 56073  
Stoney Creek, L8G 5C9**

Elektronska (Online) opcija za uplate donacija za izgradnju nove džamije će biti uskoro dostupna i na našoj Internet stranici.

### Zahvala svim volonterima

Odbori Bošnjačkog islamskog centra Hamilton se zahvaljuju svim volonterima koji nesebično odvajaju svoje slobodne vrijeme i volontiraju za dobrobit naše zajednice. Bez vas, volontera, rad zajednice ne bi bio moguć. Zato vam svima veliko hvala.